



## ***Ciljevi sistema licenciranja klubova***

*Opšti ciljevi sistema licenciranja klubova Nogometnog/Fudbalskog saveza Bosne i Hercegovine su:*

- *Dalja promocija i stalno unaprijeđenje standarda svih aspekata nogometa/fudbala u Bosni i Hercegovini i kontinuirano davanje prioriteta treniranju i brizi za mlade igrače u svim klubovima;*
- *Osiguranje da klubovi imaju adekvatan nivo uprave i organizacije;*
- *Prilagođavanje sportske infrastructure kako bi se igračima, gledaocima, predstavnicima medija obezbijedili dobri, kvalitetno opremljeni i bezbjedni objekti;*
- *Zaštita integriteta i nesmetanog odvijanja UEFA-inih i takmičenja NS/FS BiH;*
- *Omogućavanje razvoja "Benchmarkinga" (analize podataka) za sve klubove u oblasti finansijskih, pravnih, sportskih, infrastrukturnih i kriterija za osoblje i administraciju;*
- *Unaprijeđenje ekonomske i finansijske sposobnosti klubova povećanjem njihove transparentnosti i kredibiliteta;*
- *Davanje potrebnog značaja zaštiti povjerilaca i osiguravati da klubovi na vrijeme izmiruju svoje obaveze prema igračima, društvenim/poreskim vlastima i prema drugim klubovima;*
- *Stimulisanje klubova da posluju na osnovu vlastitog prihoda;*
- *Stimulisanje odgovornog trošenja na dugoročnu dobrobit za nogomet/fudbal;*
- *Zaštita dugoročne sposobnosti i održivosti klupskog nogometa/fudbala*

*Posebni ciljevi su:*

- *Profesionalnim rukovođenjem, upravljanjem i provođenjem sistema licenciranja klubova od strane NS/FS BiH ostvaruju se profesionalni standardi provođenja transparentnog sistema procjene ispunjenja kriterija od strane klubova kao aplikanta za licencu;*
- *Učestvovanjem u postupku licenciranja aplikanti za licencu (klubovi), svojim angažmanom u ispunjenju kriterija, poboljšavaju navike i u ovakvom transparentnom sistemu svoje poslovanje obavljaju na profesionalniji i učinkovitiji način. Od velike je važnosti i dalje poticati klubove, odnosno njihove uprave kako bi shvatili koje sve prednosti ostvaruju unaprijeđenjem svog rada i funkcionisanja.*
- *Kvalitetan rad sa mladim igračima*
- *Stalna briga klubova o obrazovanju mladih igrača*

- *Stručno usavršavanje trenerskog, medicinskog i drugog stručnog osoblja s ciljem poboljšanja kvaliteta rada;*
- *Poznavanje i razumijevanje Pravila nogometne/fudbalske igre;*
- *Praksa rasne i nacionalne jednakosti;*
- *Poboljšanje stadionske infrastrukture (stadioni, objekti za treniranje);*
- *Poboljšanje kvaliteta i sposobnosti stručnog osoblja i administracije u klubovima;*
- *Ostvarivanje kvalitetne pravne osnove za funkcionisanje kluba;*
- *Poboljšanje transparentnosti finansijskog poslovanja klubova, ekonomske i finansijske sposobnosti , ali i odgovornosti;*

*Nogometni savez Bosne i Hercegovine je odlučan u tome da svojim djelovanjem postigne postavljene ciljeve sistema licenciranja klubova. To se prije svega ogleda u nastojanju da klubovi rade učinkovito, pravovremeno i odgovorno te da im se pruže pravovremene i relevantne informacije i podrška, kao i da im sistem licenciranja bude jedno od značajnijih sredstava za poboljšanje njihovog statusa, uspješnosti i ugleda u sportskom i poslovnom svijetu.*

*Sarajevo, 31.08.2018.godine*

**Predsjednik**

*Elvedin Bešlić*

